



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ  
ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐ  
Հ Ր Ա Մ Ա Ն**

« 25 » փետրվարի 2026 թվական  
ք. Երևան

N 417 - Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ  
ՆԱԽԱՐԱՐՈՒԹՅԱՆ 2026 ԹՎԱԿԱՆԻ «1043 ԲԱՐՁՐ ՏԵԽՆՈԼՈԳԻԱԿԱՆ  
ԱՐԴՅՈՒՆԱԲԵՐՈՒԹՅԱՆ ԷԿՈՀԱՄԱԿԱՐԳԻ ԵՎ ՇՈՒԿԱՅԻ ԶԱՐԳԱՑՄԱՆ» ԾՐԱԳՐԻ «11007  
ՇՈՒԿԱՆԵՐԻ ԶԱՐԳԱՑՈՒՄ ԵՎ ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ» ՄԻՋՈՑԱՌՄԱՆ  
ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Հայաստանի Հանրապետության կառավարության 2025 թվականի դեկտեմբերի 25-ի N 1910-Ն որոշման 14-րդ կետի «բ» ենթակետով և հիմք ընդունելով Հայաստանի Հանրապետության բարձր տեխնոլոգիական արդյունաբերության նախարարի 2026 թվականի հունվարի 20-ի N 111-Ա հրամանի 3-րդ կետի 2-րդ ենթակետը՝

**Հ Ր Ա Մ Ա Յ ՈՒ Մ Ե Մ՝**

1. Հաստատել Հայաստանի Հանրապետության բարձր տեխնոլոգիական արդյունաբերության նախարարության 2026 թվականի «1043 բարձր տեխնոլոգիական արդյունաբերության էկոհամակարգի և շուկայի զարգացման» ծրագրի «11007 շուկաների զարգացում և միջազգային համագործակցություն» միջոցառման ծրագիրը՝ համաձայն հավելված N1-ի և Հայաստանի Հանրապետության բարձր տեխնոլոգիական արդյունաբերության նախարարության 2026 թվականի «1043 բարձր տեխնոլոգիական արդյունաբերության էկոհամակարգի և շուկայի զարգացման» ծրագրի «11007 շուկաների զարգացում և միջազգային համագործակցություն» միջոցառման ծրագրի գնահատման ոչ ֆինանսական ցուցանիշները՝ համաձայն հավելված N2-ի:
2. Սույն հրամանի կատարման նկատմամբ հսկողությունը վերապահել Հայաստանի Հանրապետության բարձր տեխնոլոգիական արդյունաբերության նախարարի առաջին տեղակալ Գևորգ Մանթաշյանին:

2/25/2026

X

Մեծար ՀԱՅՐԱՊԵՏԱՆ

Signed by: HAYRAPETYAN MKHITAR 2505901047

Մեծար ՀԱՅՐԱՊԵՏԱՆ



## ԾՐԱԳԻՐ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ  
ՆԱԽԱՐԱՐՈՒԹՅԱՆ 2026 ԹՎԱԿԱՆԻ «1043 ԲԱՐՁՐ ՏԵԽՆՈԼՈԳԻԱԿԱՆ  
ԱՐԴՅՈՒՆԱԲԵՐՈՒԹՅԱՆ ԷԿՈՀԱՄԱԿԱՐԳԻ ԵՎ ՇՈՒԿԱՅԻ ԶԱՐԳԱՑՄԱՆ» ԾՐԱԳՐԻ «11007  
ՇՈՒԿԱՆԵՐԻ ԶԱՐԳԱՑՈՒՄ ԵՎ ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ» ՄԻՋՈՑԱՌՄԱՆ**

**Լ.ՄԻՋԱԶԳԱՅԻՆ ՏԵԽՆՈԼՈԳԻԱԿԱՆ ՑՈՒՑԱՀԱՆԴԵՍՆԵՐԻՆ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ  
ՆԱԽԱՐԱՐՈՒԹՅԱՆ՝ ՄԻԱՍՆԱԿԱՆ ՏԱՂԱՎԱՐՈՎ ՄԱՍՆԱԿՑՈՒԹՅԱՆ ԱՊԱՀՈՎՈՒՄ ԵՎ  
ՀԱՅՎԱԿԱՆ ՈԼՈՐՏԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻՆ ԱԶԱԿՑՈՒԹՅՈՒՆ**

1. Հայաստանի Հանրապետության բարձր տեխնոլոգիական արդյունաբերության նախարարության (այսուհետ՝ Նախարարություն) 2026 թվականի «1043 բարձր տեխնոլոգիական արդյունաբերության էկոհամակարգի և շուկայի զարգացման» ծրագրի «11007 շուկաների զարգացում և միջազգային համագործակցություն» միջոցառման ծրագրի (այսուհետ՝ Ծրագիր) շրջանակներում Նախարարության կողմից ընտրվում են ոլորտային միջազգային հեղինակավոր ցուցահանդեսներ և աջակցություն է ցուցաբերվում հայկական ոլորտային կազմակերպություններին ու միություններին՝ դրանցում ներկայանալու համար:
2. Միջազգային ցուցահանդեսներին հայկական կազմակերպությունների՝ միասնական տաղավարով մասնակցության աջակցությունը պայմանավորված է նախ և առաջ հայկական ապրանքանիշերի, կազմակերպությունների ճանաչվածության և ներկայացվածության խնդրով:
3. Ցուցահանդեսներին մասնակցությունն առավելապես նպաստում է կազմակերպությունների՝ միջազգային շուկաները հետազոտելուն և առաջարկվող ապրանքներն ու ծառայություններն ավելի մրցունակ դարձնելուն, նոր միջազգային գործընկերների (ներառյալ՝ մատակարարներ և ներդրողներ) հետ համագործակցություն հաստատելուն, նոր շուկաներ մուտք գործելուն, վաճառքների ավելացմանը և կազմակերպությունների զարգացմանը:
4. Նախարարությունն ապահովում է ցուցահանդեսի կազմակերպչից միասնական տաղավարի տարածքի վարձակալության, տաղավարի դիզայնի նախագծման, կառուցապատման և ցուցահանդեսային տարածք մուտքի ապահովման աշխատանքների իրականացումը, եթե այլ

բան նախատեսված չէ, սույն հավելվածի 11-րդ և 12-րդ կետերի համաձայն, կողմերի միջև կնքվող պայմանագրով:

5. Ցուցահանդեսներին մասնակցության արդյունքները մշտադիտարկվում են Նախարարության Շուկայի հետազոտության և զարգացման վարչության կողմից ցուցահանդեսին հաջորդող 2 (երկու) տարվա ընթացքում: Ցուցահանդեսի ավարտից հետո՝ 2 տարվա ընթացքում, Նախարարությունը ցուցադրող և այցելուի կարգավիճակով կազմակերպություններից հավաքագրում և ամփոփում է հաշվետվություններ՝ Ցուցահանդեսին մասնակցության արդյունքում կնքված պայմանագրերի (ներառյալ՝ արժեքը) և ձեռք բերված պայմանավորվածությունների, դրանց ընթացքի ու իրագործման արդյունքների վերաբերյալ:

6. Մասնակից կազմակերպությունների ընտրությունն իրականացվում է ՀՀ բարձր տեխնոլոգիական արդյունաբերության նախարարի (այսուհետ՝ Նախարար) 2025 թվականի հուլիսի 31-ի թիվ 1642-Ա հրամանով՝ գնահատող հանձնաժողովի գնահատման արդյունքներով:

7. Յուրաքանչյուր միջոցառման շրջանակում Նախարարի հրամանով ստեղծվում է գնահատող հանձնաժողով (այսուհետ՝ Հանձնաժողով)՝ կազմված Նախարարության ներկայացուցիչներից (կարող են ընդգրկվել նաև համապատասխան ոլորտային միությունների, մասնագիտացված կազմակերպությունների կողմից ներկայացված թեկնածուներ՝ համաձայնությամբ): Հանձնաժողովը գնահատում է մասնակցության հայտ ներկայացրած կազմակերպություններին և իրականացնում ընտրություն հայտատուների միջև:

8. Յուրաքանչյուր ցուցահանդեսի համար, ըստ անհրաժեշտության, կարող են մշակվել ընտրության առանձին չափանիշներ: Ցուցահանդեսին մասնակցելու համար նախատեսված սահմանված թվին (թիվը սահմանվում է համաձայն տաղավարի նախագծի, որը հաստատվում է Նախարարի կողմից) համապատասխան առավել բարձր միավորներ ստացած կազմակերպությունները համարվում են հաղթող կազմակերպություններ և ստանում են հնարավորություն իրենց հայտադիմումին համապատասխան ցուցահանդեսին մասնակցել որպես ցուցադրող կամ որպես այցելու:

9. Ցուցահանդեսին մասնակցելու համար հաղթող կազմակերպությունների վերաբերյալ եզրակացությունը հաստատվում է Հանձնաժողովի նիստին ներկա անդամների ընդհանուր թվի ձայների մեծամասնությամբ և կցվում արձանագրությանը:

10. Մրցութային գործընթացի ավարտից հետո՝ 3 աշխատանքային օրվա ընթացքում Հանձնաժողովի նախագահը արձանագրությունը և դրա հիման վրա կազմված եզրակացությունը ներկայացնում է Նախարարին:

11. Որպես ցուցադրող ընտրված կազմակերպությունների հետ Նախարարությունը կնքում է «Միջազգային ցուցահանդեսի հայկական միասնական տաղավարում ներկայացվող կազմակերպությունների մասնակցության մասին» պայմանագիր:

12. Որպես այցելու ընտրված կազմակերպությունների հետ կնքվում է «Միջազգային ցուցահանդեսին այցելուի կարգավիճակ ունեցող կազմակերպությունների մասնակցության մասին» պայմանագիր:

13. Ընտրված կազմակերպությունների՝ նախապես սահմանված թվով ներկայացուցիչներին կազմակերպության արտադրանքն ու ծառայությունները ներկայացնելու համար տրամադրվում են միջոցառման մուտքի տոմսեր (բեյջեր) և առանձնացված տարածք միասնական տաղավարում, եթե այլ բան նախատեսված չէ սույն հավելվածի 11-րդ և 12-րդ կետերի համաձայն՝ կողմերի միջև կնքվող պայմանագրով:

## **II. ՀԱՅԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ՀԵՏ ՀԱՄԱՏԵՂ ՄԻՋԱԶԳԱՅԻՆ ԵՎ ԵՐԿՈՂՄ ԲԻԶՆԵՍ ՖՈՐՈՒՄՆԵՐԻ ԿԱԶՄԱԿԵՐՊՈՒԹՅԱՆ ԱՇԽԱՏԱՆՔՆԵՐԻ ԻՐԱԳՈՐԾՈՒՄ**

14. Բարձր տեխնոլոգիական արդյունաբերության ոլորտի կազմակերպությունների զարգացման խթանման մեկ այլ միջոցառում է գործարար ֆորումների կազմակերպումը: Միջոցառման շրջանակում նպատակադրվում է հանդիպում-քննարկումներ կազմակերպել հայկական և օտարերկրյա կազմակերպությունների միջև՝ նպատակ ունենալով հայկական կազմակերպություններին ծանոթացնել ոլորտի միջազգային զարգացման միտումներին, վերհանել համագործակցության հնարավորությունները և նպաստել դրանց ձևավորմանն ու զարգացմանը:

15. 2026 թվականի ընթացքում ծրագրվում է կազմակերպել 3 գործարար ֆորում:

## **III. ՀԱՅԱՍՏԱՆՈՒՄ ԱՆՑԿԱՑՎՈՂ ՏԵԽՆՈԼՈԳԻԱԿԱՆ ՄԻՋՈՑԱՌՈՒՄՆԵՐԻ ԵՎ ՑՈՒՑԱՀԱՆԴԵՍՆԵՐԻ ԿԱԶՄԱԿԵՐՊՄԱՆ ԱԶԱԿՑՈՒԹՅՈՒՆ**

16. Բարձր տեխնոլոգիական արդյունաբերության ոլորտի կազմակերպությունների զարգացման խթանման մեկ այլ միջոցառում է Հայաստանում տեխնոլոգիական միջոցառումների և ցուցահանդեսների կազմակերպման աջակցումը: Ծրագրի շրջանակում նպատակադրվում է աջակցել տեղական և միջազգային միջոցառումների անցկացմանը՝ նպատակ ունենալով հայկական կազմակերպություններին ծանոթացնել ոլորտի նորագույն տեխնոլոգիաներին և միջազգային լավագույն փորձին, ստեղծել հարթակ իրենց նորարարական լուծումների ցուցադրման համար, վերհանել համագործակցության հնարավորությունները և նպաստել

տեխնոլոգիական էկոհամակարգի ամրապնդմանն ու Հայաստանի դիրքավորմանը որպես տեխնոլոգիական կենտրոն:

17. 2026 թվականի ընթացքում ծրագրվում է աջակցել Հայաստանում անցկացվող առնվազն 3 տեխնոլոգիական միջոցառումների և ցուցահանդեսների կազմակերպմանը:

**IV. ՄԻՋՈՑԱՌՄԱՆ 2026 ԹՎԱԿԱՆԻ ՖԻՆԱՆՍԱԿԱՆ ՄԻՋՈՑՆԵՐԻ ՊԼԱՆԱՅԻՆ ԲԱՇԽՎԱԾՈՒԹՅՈՒՆ**

18. Ծրագրի իրականացման համար ՀՀ պետական բյուջեով նախատեսված է 344,956,000 ՀՀ դրամ:

19. Միջոցառման 2026 թվականի ֆինանսական միջոցների պլանային բաշխվածությունը ներկայացված է ստորև.

Հ/Հ	Միջոցառման անվանում	Նախատեսվող բյուջե ՀՀ դրամ
1	Միջազգային տեխնոլոգիական ցուցահանդեսներին միասնական տաղավարով մասնակցության ապահովում, այդ թվում՝ 1. «Համաշխարհային բջջային կոնգրես 2026» (MWC Barcelona 2026), 02-05 մարտ 2026թ., Բարսելոնա, Իսպանիայի Թագավորություն, 2. «Ճապոնիայի SS Շաբաթ 2026» (Japan IT Week 2026), 08-10 ապրիլ 2026թ., Տոկիո, Ճապոնիա, 3. «Ջայտեքս Եվրոպա 2026» (GITEX Europe 2026), 30 հունիս - 01 հուլիս 2026թ., Բեռլին, Գերմանիայի Դաշնային Հանրապետություն, 4. «ԴիջիԹեք 2026» (Digitec 2026), հոկտեմբեր, Երևան, Հայաստանի Հանրապետություն, 5. 2027 թվականին կայանալիք թվով 3 ցուցահանդեսների տաղավարների վարձակալության կանխավճարների հատկացման ապահովում	204,456,000
2	Դրամաշնորհի ձևով ՏՀՏԳՄ-ին՝ Silicon Mountains RISE միջոցառման կազմակերպման աջակցություն	60,000,000
3	Դրամաշնորհի ձևով՝ Հայաստանում անցկացվող տեխնոլոգիական միջոցառումների և ցուցահանդեսների կազմակերպման աջակցություն, այդ թվում՝ 1. ԴիջիԹեք 2026 2. Silicon Mountains 2026 3. Ինժեներական շաբաթ 2026	50,000,000
4	Գործարար ֆորումների կազմակերպում	4,000,000
5	Հետազոտական աշխատանքների իրականացում	15,000,000
6	Այլ ծախսեր	11,500,000
	<b>ԸՆԴԱՄԵՆԸ</b>	<b>344,956,000</b>

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ  
ՆԱԽԱՐԱՐՈՒԹՅԱՆ 2026 ԹՎԱԿԱՆԻ «1043 ԲԱՐՁՐ ՏԵԽՆՈԼՈԳԻԱԿԱՆ  
ԱՐԴՅՈՒՆԱԲԵՐՈՒԹՅԱՆ ԷԿՈՀԱՄԱԿԱՐԳԻ ԵՎ ՇՈՒԿԱՅԻ ԶԱՐԳԱՑՄԱՆ» ԾՐԱԳՐԻ «11007  
ՇՈՒԿԱՆԵՐԻ ԶԱՐԳԱՑՈՒՄ ԵՎ ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ» ՄԻՋՈՑԱՌՄԱՆ  
ԾՐԱԳՐԻ ԳՆԱՀԱՏՄԱՆ ՈՉ ՖԻՆԱՆՍԱԿԱՆ ՑՈՒՑԱՆԻՇՆԵՐԸ**

Ծրագրի գնահատման ոչ ֆինանսական ցուցանիշները թվարկված են ստորև.

<b>ՑՈՒՑԱՆԻՇ</b>	<b>ՄՊԱՍԿՈՂ ԱՐԴՅՈՒՆՔ</b>
Միջազգային ցուցահանդեսներին մասնակցություն «Հայաստան» տաղավարով, հատ	4
Կազմակերպվող ֆորումների քանակը, հատ	3
Միջազգային ցուցահանդեսներին, ֆորումներին մասնակցության արդյունքում կնքվող պայմանագրերի քանակը, հատ	$\geq 7$
Հայաստանում անցկացվող տեխնոլոգիական միջոցառումների և ցուցահանդեսների կազմակերպման աջակցություն	$\geq 3$
Հաջորդ տարիներին անցկացվելիք միջազգային ցուցահանդեսների քանակը, որոնց համար հատկացվելու է մասնակցության կանխավճար, հատ	3